

Ao longo da
Historia, os dereitos
gañáronse nas rúas e
plasmáronse nas
institucións

A XUNTA DE PERSOAL FUNCIONARIO DE OURENSE NON FUNCIONA E logo, para que queres ser delegado de persoal?

Hai algún sindicato quen entende ser delegado de persoal como ser delegado no cole, para levarlle as tizas ao profe ou borrar o encerado...

Logo de case catro anos coa presidencia da Xunta de Persoal en mans da CSIF chegamos á conclusión que este é o xeito en que prefiren actuar.

Por iso non queren pendurar as actas no taboleiro, non queren facer notas de prensa e campañas de sensibilización pública para a defensa do noso emprego.

Na época que máis paus levamos sufrido os funcionarios e funcionarias da Xunta de Galicia, na que as tesoiras afiadas de Feijoo e os seus **secuaces** recortan salario e dereitos, hai sindicatos que pensan que unicamente dar saída a escritos recibidos é a súa tarefa.

Nesta Xunta de Persoal Funcionario as organizacións sindicais CSIF, CCOO e UGT non



dubidan en unirse para boicotear as iniciativas da CIG se os incomodan...

Táchannos de radicais por queres ocupar unha xefatura ata que se cubran vacantes, por querer sair a rúa a denunciar as rebaixas salariais, por reclamar que se cumpla por parte desta mala patronal que temos, o deber de

informar á Xunta de Personal dos cambios de centros de traballo, prazas vacantes, libres designacións, comisións de servizo...

Acostumados a un "estoy con lo tuyo" ou "yo te lo arreglo" non se dan conta de que as loitas sociais gañámolas todos xuntos, que a defensa do público e da nosa dignidade como funcionarios non se arranca con favores. En cada unha de nos esta a capacidade e a forza para revertir esta situación, para recuperar dereitos e defender o público con dignidade. Con participación e unidade todas somos mais fortes.

MOBILIZACIÓN



Non entendemos que, por unha banda eliminan postos de traballo públicos, e por outra anuncian a contratación dunha cuadrilla pola empresa privada. A isto chamámoslle **PRIVATIZACIÓN DO SERVIZO, PURO E DURO!!!**

Medio Rural e Mar destrúe outros 130 postos de traballo

A Consellería do Medio Rural e do Mar achegou ás organizacións sindicais documentación funcional e económica da nova proposta de Relación de Postos de Traballo na que destaca a destrución doutros 130 postos de traballo, dos cales 80 corresponden a persoal funcionario e 50 a persoal laboral.

Ésta proposta de amortización levarana ao efecto dacordo coa Lei 11/2014, do 19 de Decembro, de Orzamentos Xerais para o ano 2015, aprobada no Parlamento Galego, coa maioría do partido liderado polo Sr. Feijóo.

Non lles chegou, non lles abundou coa amortización de postos na Consellería do Medio Rural e do Mar de fai uns meses atrás, que agora voltan as andadas cunha nova proposta, o que fai que nos derradeiros meses dilapiden centos e centos de postos de traballo públicos, ós cales, dende a CIG vimos reiterando por activa e por pasiva a súa cobertura, dada a necesidade de efectivos nos diferentes centros. A CIG faralle fronte, tanto na rúa coma nas mesas de negociación polas que discurra esta proposta de modificación, xa que entendemos da necesidade imperiosa de seguir mantendo os empregos públicos existentes, rexeitando polo tanto calquer modificación que se leve ao efecto polo Partido Popular.

Ao goberno do Sr. Feijóo non lle importa amortizar postos de traballo en servizos de emerxencia tan esenciais e/ou primordiais para o noso medio ambiente coma o de extinción de incendios forestais, no cal, destrúe nin máis nin menos que 30 postos de traballo. A CIG pregúntase que vai acontecer entón con este servizo de emerxencias, no que o Partido Popular non lles abunda non cubrir os postos de traballo, senón que aínda propoñen a eliminación destes, co conseguinte incremento de carga de traballo para o resto de persoal, aumentando desta maneira os riscos de accidentes laborais e/ou enfermidades profesionais. Isto ao nosos gobernantes non lles quita o sono, saben sobradamente da profesionalidade dos traballadores e traballadoras do servizo contra incendios, polo que antepoñen máis carga de traballo para os seus empregados e empregadas a cambio de eliminación de postos de traballo.

Resulta curioso e/ou anecdótico que a Consellería do Medio Rural e do Mar se excuse para amortizar os citados 130 postos de traballo en axustamento orzamentario de cara a cumprir os obxectivos marcados, dacordo coa Lei de Orzamentos Xerais da Comunidade Autónoma de Galiza para o ano 2015, cando por outra banda, van gastar, mellor dito, tirar ao lixo máis de oito millóns de euros na contratación dun servizo integral dun helicóptero e brigada para a prevención e defensa contra incendios forestais nos vindeiros anos 2015, 2016 e 2017. Non entendemos que, por unha banda eliminan postos de traballo públicos, e por outra anuncian a contratación dunha cuadrilla pola empresa privada. A isto chamámoslle **PRIVATIZACIÓN DO SERVIZO, PURO E DURO!!!**

Non nos enganemos, é a política que veñen facendo dende anos o Partido Popular. A CIG-Autónomica está a estudar as posibilidades de iniciar medidas xudiciais



Breves

A CIG RESOLVE

Flexibilidade horaria en Medio Rural. Tra-la demanda perante a Xefatura Territorial solucionase o horario de apertura de centro que pasa das 18:30 da actualidade ás 20:00h, posibilitando a flexibilidade horaria e a conciliación laboral e familiar do personal.

OAC DE CELANOVA

O piso no que se atopaba a OAC non estaba en condicións de habitabilidade e supuña un risco continuo para os traballadores e grande incomodidade para os usuarios. Despois de tres anos de denuncia e loita continuada da CIG, por fin hai traslado a novas dependencias. Queda pendente a data da necesaria avaliación de riscos laborais.

ELECCIÓNS Á XUNTA DE PERSONAL FUNCIONARIO DE OURENSE

O vindeiro 16 de abril temos eleccións a Xunta de Personal Funcionario, funcionarios da provincia de tódalas consellerías e centros de traballo elegimos aos que van a ser os nosos representantes os vindeiros catro anos. Compre a participación, pois nela está a forza, pero tamén resulta necesaria o traballo e a unidade de acción sindical para a defensa dos servizos públicos, especialmente nunha provincia tan castigada polo desmantelamento e a dispersión como é Ourense.

A CIG É A OPCIÓN MAIS FORTE

A valentía, o traballo, a proximidade, a acción e en definitiva a iniciativa na acción sindical converte á CIG na mellor opción para a tua representación. Pola unidade e a forza resulta imprescindible consolidar e superar os resultados obtidos no 2011, onde pasamos da terceira a segunda organización escollida polo personal funcionario e compre retirar a maioría ao sindicato amarelo que boicotea sen dúbida iniciativas de loita e defensa ao personal funcionario. Ourense non pode permitir parálise ante a defensa dos servizos públicos.

SILLAS BALEIRAS NA XUNTA DE GALICIA=DDP

Sorprende a cantidade de sillas baleiras que hai nas oficinas agrarias comarcais, en facenda, nas oficinas de emprego, sergas ou en outros centros da provincia. Hai usuarios que poden pensar que os privilexiados funcionarios non traballan, que é un despelote...E non é casualidade é a mensaxe intencionada que promove o goberno da Xunta de Galicia e que transmiten polos medios de comunicación: *"Imos avaliar aos funcionarios porque son uns vagos e non traballan (LEPG)"* *"Non lle damos aguinaldo (paga extra) porque non rinden"*. En definitiva, a culpa da crise económica temola nós. Pero a victimización simplista pode encubrir outra realidade: a planificación da Troika Europea, onde os gobernos do PP conseguen boa nota: Desprestixia, desmantela e privatiza.

A LEI DE EMPREGO PÚBLICO DEROGA A LEI DE CREACIÓN DE ESCALA DE AXENTES MEDIOAMBIENTAIS

Nun grave exercicio de irresponsabilidade por parte de Función Pública o anteproxecto da Lei de Emprego Público de Galicia deroga a lei de creazón da escala de axentes medioambientais rebaixando a titulación mínima esixida e así tamén a cualificación profesional destas escalas de personal funcionario. De ir adiante trae consecuencias directas para o servizo público e para o personal. Rebaixa da capacidade de resolución, informe ambiental, levantamento de actas e inspeccións, complicando e alongando os procedementos...Para os compañeiros cortase a promoción dando un salto para embaixo e afectando tamén salario e condicións de traballo. Unha acción inédita que de non confrortarse pode ampliarse a outras escalas de funcionarios/as.

BREVES



A CIG É A OPCIÓN MAIS FORTE

A valentía, o traballo, a proximidade, a acción e en definitiva a iniciativa na acción sindical converte á CIG na mellor opción para a tua representación

CONVOCATORIA DE CURSOS DA EGAP Primeiro semestre 2015

No DOG do 03/02/2015 publícase a Resolución do 28 de xaneiro de 2015 pola que se convocan as actividades de formación continua para o persoal ao servizo da Administración da Comunidade Autónoma de Galicia. O prazo de presentación de solicitudes será de 10 días naturais a partir do día seguinte ao da publicación desta resolución no Diario Oficial de Galicia. O número máximo de cursos que se pode solicitar límitase a seis.

As solicitudes de participación nas actividades formativas só poderán realizarse mediante o formulario de matrícula telemática dispoñible no enderezo <http://egap.xunta.es/matricula>, desde as 8.00 horas da data de inicio do prazo de presentación de solicitudes e ata as 14.00 horas da data de finalización. As solicitudes entenderanse presentadas unha vez que se complete correctamente o proceso de matriculación.



CAMPAÑA DE VIXIANCIA DA SAÚDE

Publicada no DOG do 2 de febreiro a campaña de vixilancia da saúde para o ano 2015 para o persoal da Administración xeral da Xunta de Galiza. Deste xeito ábrese o prazo para solicitar o recoñecemento médico voluntario.

O prazo de inscrición vai do 3 de febreiro ao 4 de marzo. As solicitudes fanse de xeito telemático dende o web do Servizo de Prevención de Riscos Laborais: <http://www.xunta.es/prevencion-de-riscos-laborais>

Criticamos as tachas de carácter económico que puxeron nesta campaña para acceder ás mamografías e ecografías de mamas. Así, aquelas traballadoras que superen a idade marcada, terán que facer as probas a través do programa do SERGAS. As que non superen a idade, só poderán realizar estas probas se hai unha xustificación do seu xinecólogo.

O persoal que presta servizos en educación terá que agardar, pois inda que os docentes xa están en plena campaña de recoñecemento médico, o persoal de administración e servizos semella ser diferente a ollos da Administración. Segundo a nosa información, o pliego de adxudicación está pendente da Asesoría Xurídica da Xunta. Agardamos que o convoquen dentro do curso escolar, pois a anterior campaña foi de xullo-2013 a xullo-2014.

DA CHULERÍA AO PASOTISMO

Enésima petición sobre a promoción interna

O grao de pasotismo de Función Pública comeza a ser preocupante. Da estratexia de dar largas continuamente pasan á de non contestar. O asunto da Promoción Interna nos deu nun primeiro momento conta da **chulería** desta Administración ao non admitir alegacións, e nun segundo momento, do **pasotismo e ineficacia** desta tropa.

Nos seguimos insistindo, a ver si se aburren e o día 28 de xaneiro voltamos a comunicarlles por escrito, xa que verbalmente non contestan, a nosa esixencia (que é a de todos/as os/as funcionarios/as) de pór en marcha os procesos:

Na Mesa Xeral do día 15 de decembro do 2014 esta organización sindical preguntou unha vez máis pola Promoción Interna dos Corpos Xerais e non obtivemos resposta.

A CIG considera que lonxe de ser un menosprezo para nós, o que estamos é diante dun insulto aos empregados públicos da Xunta de Galiza aos que se lles leva furtando a posibilidade de promocionar durante máis de 4 anos.

ESIXIMOSLLE

que poña en marcha dunha vez os procesos de Promoción Interna negociados no ámbito da Mesa Xeral.

Esiximos
que se poñan en
marcha os
procesos de
promoción
interna